

尚書今古文注疏

甘誓第四 虞夏書四 尚書今古文注疏卷四

賜進士及第授通奉大夫山東督糧道加三級孫星衍撰

疏書序云啓作甘誓史記夏本紀云有扈氏不服啓伐

鬼篇作禹誓引此文莊子內篇齊問世云禹攻有扈國

為虛厲呂氏春秋先已篇云夏曆相與有扈戰於甘澤

而不勝六卿請復之案相當為格字又召類篇云禹攻

曹魏屈鷲有扈以行其教則所云柏者謂伯禹也楚詞

天問云伯禹腹鯀說苑正理篇云昔禹與有扈氏戰三

陳而不服禹於是修教一年而有扈氏請服凡此諸書

或與孔子同時皆未見書序而以甘誓為禹事當必本

古文書說也莊子既云國為虛厲則有扈滅於禹時不

應啓復伐之惟淮南齊俗訓云昔有扈氏為義而亡注

云有扈夏啓之庶兄也以堯舜舉賢禹獨與子故伐啓

啓亡之不知高誘所據何書又與禹伐有扈違異至書

序以為啓作者因此篇序在禹貢後故定為啓事耳亦

不必以書序

廢古說也

大戰于甘

注大傳說戰者憚警之也馬融曰甘有扈南

郊地名甘水名今在鄂縣西鄭康成曰天子之兵故曰

大將大傳說見白虎通誅伐篇云戰者何謂也尚書大傳曰戰者憚警之也夏本紀云將戰作甘誓乃召

六卿申之是未戰也未戰稱大戰者謂天子親征之師

故六傳以戰為憚警之不以為鬪也馬注見史記集解

及釋文云甘有扈南郊地名又云水名者呂氏春秋先

已篇云戰于甘澤水經注云渭水東逕槐里縣故城南

渭水又東合甘水水出南山甘谷北逕秦文王蕢陽宮

西又北逕五柞宮東又北逕甘亭西在水東鄠縣昔夏

啓伐有扈作誓於是亭甘水又東得澇水曰澇水北注

甘水而亂流入於渭即上林故地也與馬注合在今陝

西鄠縣鄭注見書疏云天子之兵故曰乃召六卿

注史

大者白虎通三軍篇說為天子自出也

遷說乃召六卿申之鄭康成曰六卿者六軍之將周禮

六軍皆命卿則三代同矣

疏 墨子明鬼篇云王乃命左

公說為申之者史記孫子列傳云約束不明申令不熟
將之罪也既已明而不如法者吏士之罪也六軍吏士
多必告六卿使申令也鄭注周禮大司馬云天子六軍
三三而居一偏賈誼新書云紂將與武王戰紂陳其卒
左臆右臆是天子親征王為中軍六卿左右之也鄭注
見詩械樸疏及曲禮疏云六卿六軍之將者詩小雅瞻
彼洛矣以作六師傳云天子六軍疏云一卿將一軍周
禮司馬政官之屬凡制軍萬有二千五百人為軍王六
軍大國三軍次國二軍小國一軍軍將皆命卿注云言
軍將皆命卿則凡軍帥不特置選于六官六卿之吏自
卿以下德任者使兼官焉魯語云天子作師公帥之以
征不德注云師謂六軍之眾也公謂諸侯為王卿士者
也周禮將軍皆命卿曲禮疏久引鄭注大傳夏書云所
謂六卿者后稷司徒秩宗司馬作士共工也鄭云三代

同者夏時六卿即王曰嗟六事之人注鄭康成曰變六謂六卿后稷等也

卿言六事之人者言軍吏已下及士卒也疏嗟當為詹此省文釋

詰云嗟咨嗟也嗟亦俗字鄭注見書疏云言軍吏下及

士卒者周禮司馬政官之屬二千有五百人為師師帥

皆中大夫五百人為旅旅帥皆下大夫百人為卒卒長

皆上士二十五人為兩兩司馬皆中上五人為伍伍皆

有長一軍則二府六史胥十人注史遷汝作

徒百人此周制或夏殷已然也注子誓告汝注史遷汝作

女馬融曰軍旅曰誓會同曰誥鄭康成曰誓戒要之以

刑重失禮也疏誓者曲禮云約信曰誓注云誓禮亡誓

誓收誓費誓誓泰誓也注見釋文云軍旅曰誓者軍旅

者周禮小司徒云五人為伍五伍為兩四兩為卒五卒

為旅五旅為師五師為軍以起軍旅注云兩二十五人

卒百人旅五百人師二千五百人軍萬二千五百人也

誓如湯誓大誓等也云會同曰誥者會同諸侯以伐國若大誥等事也大誓諸侯成會武王乃作大誓告於衆庶不言誥者不期而會非武王有扈氏注馬融曰妘姓誥諸侯以伐商也鄭注見書疏

之國為無道者鄭康成曰有扈與夏同姓疏地理志右扶風郿古

國有扈谷亭扈夏啓所伐說文鄠右扶風縣名扈夏后

同姓所封戰于甘者在鄠有扈谷甘亭古文作岢史記

正義引訓纂云戶扈鄂三字一也古今字不同耳又引

地理志扈谷亭作戶亭馬注見釋文云妘姓之國者周

語帝嘉禹德賜姓曰妘氏曰有夏謂其能以嘉祉殷富

生物也注云堯賜禹姓曰妘妘猶祉也楚語觀射父曰

堯有丹朱舜有商均夏有觀扈周有管蔡是觀及有扈

皆夏同姓高誘注呂氏春秋先已篇云有扈夏同姓諸

侯鄭注威侮五行怠棄三正注大傳說正色三而復者見書疏

也三正之相承若順連環也王者一質一文據天地

之道馬融曰建子建丑建寅三正也鄭康成曰五行四

時盛德所行之政也威侮暴逆之三正天地人之正道

疏威者老子民不畏威注云害也後漢杜詩傳威侮二

立五行起消息洪範九疇一五行者史記歷書云黃帝建

木四曰金五日土文子微明篇引中黃子曰天有五方

地有五行人有五位五行大義第五引詩緯等說云木

神則仁金神則義火神則禮水神則信土神則智又引

毛公傳及京房等說皆以土為信水為智五常配五行

虐慢五行則是無五常也威侮謂虐用而輕視之怠者

釋言云懈怠也怠亦為懈棄者釋言云忘也三正在夏

殷周已前則公羊疏引鄭注堯典云高陽氏之後用赤

繪高辛氏之後用黑繪其餘諸侯皆用白繪朱均注禮

含文嘉云三帛謂朱白蒼象三正宋書禮志云二而復

者正色也二而復者文質也以前檢後謂軒轅高辛夏

后氏漢皆以十二月為正少昊有唐有殷皆以十二月

爲正高陽有虞自周皆以十一月爲正又通典引尚書
中候亦有其事據此則夏以前有三正懈廢之謂不奉
正朔也大傳說見白虎通三正篇云正朔有三何本天
有三統謂三微之月也禮三正記曰正朔三而改文質
再而復也十一月之時陽氣始養根株黃泉之下萬物
皆赤赤者盛陽之氣也故周爲天正色尚赤也十二月
之時萬物始牙而白白者陰氣故殷爲地正色尚白也
十三月之時萬物始達孚甲而出皆黑人得加功故夏
爲人正色尚黑書微子疏引大傳云周人以日至爲正
殷人以日至後三十日爲正夏人以日至後六十日爲
正略說云夏以平旦爲朔殷以雞鳴爲朔周以夜半爲
朔已上注引大傳及此引略說據孔氏廣林集大傳本
案以平旦爲朔者平旦值寅時雞鳴值丑時夜半值子
時然則夏殷周分日各異不皆以子時分日也馬注見
釋文亦同大傳說鄭注見史記集解以爲天地入之正
道者據繫辭陰陽柔剛仁義爲說以夏巳前三正經無
明文故不天用勦絕其命注勦一作剝疏勦者說文云
從大傳也天用勦絕其命注勦一作剝疏勦者說文云

聲相近淮南子云食穀者智慧而天千金方引黃帝問伯高對曰食穀者則有智而勞神是勞即天也白虎通壽命篇云隨命者隨行為命若言怠棄三正天用勦絕其命矣勦說文作剝云絕也引此文廣雅釋言云剝天也言其廢捐五常人道天用天絕其命說文用剝則孔壁古文也漢書外戚傳云命櫟絕而不長假音字高誘注淮南云搔勞也櫟即搔字之俗音相近今予惟恭行天之罰史遷惟

作維墨翟書作有日日中今予與有扈氏爭一日之命

且爾卿大夫庶人子非爾田野葆士之欲也予共行天

之罰也史遷恭為其一作龍

龍史公惟作維者凡尚書惟多作維熹平石經同

墨翟書見明鬼篇引禹誓云有日日中今予與有扈氏爭一日之命云云三十字墨子所見古文書與今本異或脫簡或孔子所刪也云日中與有扈氏爭一日之命者與傳記所載義異呂氏春秋先已篇云夏后州與有

扈戰於甘澤而不勝六卿請復之夏后相曰不可吾地
不淺吾民不寡戰而不勝是吾德薄而教不善也於是
乎處不重席食不貳味琴瑟不張鐘鼓不修子女不飾
親親長長尊賢使能期年而有扈氏服說苑亦云修教
一年而有扈請服則不當如墨子所引與有扈氏爭一
日之命也云田野葆土者葆同保鄭注月令云小城曰
保俗作堡言不貪其土地人民共作恭與史記同高誘
注呂氏春秋作龔漢書文選多引作龔說文龔慤也龔
給也此恭行天罰當作龔慤謹也言謹行天罰白虎通
三軍篇云命子惟恭行天之罰此言開自出伐有扈也

左不攻于左汝不恭命右不攻于右汝不恭命御非其

馬之政汝不恭命注史遷恭命俱作其命正作政鄭康

成曰左車左右車右汝一作若疏攻者釋詁云善也恭

文云龔給也給亦具也義與共通史公作共者釋詁云
共具也正作政者墨子亦云御非爾馬之政詩出車箋

云御夫則茲益樵梓憂其馬之政亦用此文是古文作
政也鄭注見史記集解云左車左右車右者此左右三
人共乘一車謂士卒之車魯頌闕宮箋云兵車之法左
人持弓右人持矛中人御是也汝墨子作若者鄭注考
工記云若猶女也莊子齊物論
注云若而皆汝也俱假音字
用命賞于祖弗用命戮

于社子則孥戮汝注史遷弗作不戮作僂孥作帑一作

奴疏墨子明鬼篇引此文說云賞於祖者何也言分命

祖者何也告分之均也僂于社者何也言聽獄之事也又云賞于
者廟主社者社主太平御覽三百六引孥虞決疑要注
曰古者帝王出征伐以齊車載遷廟之主及社主以行
故尚書甘誓曰用命賞于祖不用命戮于社秦漢及魏
行不載主也路史疏佐紀有虞引尙書大傳云古者巡
守以遷廟之主行出以幣帛皮圭告于祖遂奉以載于
齊車每舍奠焉然後就舍反必告奠卒斂幣玉藏之兩
階之間蓋貴命也說本曾子問社主亦在軍者周禮大

司馬之職涖彘主及軍器注云主謂遷廟之主及社主
在軍者也凡師既受甲迎主于廟及社主視奉以從殺
牲以血塗主及軍器皆神之然則出載主與彘主是古
禮也奴者漢書注李奇曰男女徒總名爲奴戮者廣雅
釋詁云辱也周禮司厲其奴男子入于罪隸女子入于
春彘注鄭司農云今之奴婢古之罪人也故書曰子則
奴戮汝論語曰箕子爲之奴罪隸之奴也漢書季布樂
布傳贊云奴僇苟活是亦以奴僇爲奴辱也鄭注周禮
云奴從坐而沒入縣官者男女同名案三代已前父子
兄弟罪不相及至秦始有連坐收帑之法以此說夏書
更不合周禮司厲又云凡有爵者與七十者與未斲者
不爲奴此先王寬政七十與未斲俱不與服戎有爵者
蓋別有罰故此言奴戮以誓衆也僞孔旣以爲辱及汝
子其于湯誓又云權以脅之使勿犯皆失之史公戮爲
僇者與墨子女同表記云則刑戮之民也釋文戮本作
僇廣雅釋詁云戮辱也是戮僇通字僇蓋書古文也孥
俗字當爲奴鄭司農所引蓋今文也漢書王莽傳引此
文亦作奴詩常棣樂爾妻孥疏引此文作帑亦假借字

說文以帑爲
金幣所藏字

甘誓第四終

湯誓第五 商書一 尙書今古文注疏卷五

賜進士及第授通奉大夫山東督糧道加二級孫星衍撰

通鄭康成曰契始封商遂以商為天下之號商國在太

華之陽疏湯誓者告民伐桀之詞百篇之書湯誓前有

帝告釐沃湯征汝鳩汝方夏社疑至臣扈等

共七篇偽傳誤以汝鳩汝方一篇為二失之今唯湯征

篇存于殷本紀餘篇俱亡則湯誓為商書第一篇也鄭

注見書疏云契始封商湯遂以商為天下之號鄭元之

說亦然又見殷本紀集解引鄭元云商國在太華之陽

殷本紀云殷契佐禹治水有功封于商賜姓子氏此鄭

所據云商國在太華之陽者史記正義引括地志云商

州東八十里商洛縣本商邑古之商國帝嚳之子禹所

封也然則契始封在今陝西商州左傳襄九年疏引服

虔云相土居商丘故湯以為天下號與鄭異者案春秋

左氏襄九年傳十弱曰陶唐氏之火正闕伯居商丘相

土因之則商丘是閔伯所居非契所封之商殷本紀云
 自契至成湯八遷蓋自相土遷居於此此商丘在今河
 南歸德府為縣名左傳疏引釋例云宋商商丘二名一
 地梁國雖陽縣也或以為漳水之南故殷虛為商丘非
 也據此則與鄭所稱商國在太華之陽者相去甚遠服
 說失之湯既以商為有天下之號後又稱殷者商頌譜
 疏云成湯之初以商為號及盤庚遷于殷以後或呼為
 殷故書序云盤庚五遷將治亳殷注云商家改號為殷
 元鳥云殷受命咸宜殷武云撻彼殷武是其兼稱殷也
 雖或稱殷不是全改商號故大明云殷商之旅蕩云咨
 汝殷商皆取先後二號而雙言之不全改也襄九年疏
 又云如鄭元意契居上洛之商至相土而遷于宋之商
 及湯有天下遠取契所封商以為一代大號說此注最
 明湯名履殷本紀云契卒子昭明立昭明卒子相土立
 相土卒子昌若立昌若卒子曹圉立曹圉卒子冥立冥
 卒子振立振卒子微立微卒子報丁立報丁卒子報乙
 立報乙卒子報丙立報丙卒子主壬立主壬卒子主癸
 立主癸卒子天乙立是為成湯集解引張晏曰禹湯皆

字也二王去唐虞之文從高陽之質故夏殷之王皆以
名為號諡法曰除虐去殘曰湯索隱云稱天乙者譙周
云夏殷之禮生稱王死稱廟主皆以帝名配之天亦帝
也殷人尊湯故曰天乙從契至湯十四代故國語曰元
王勤商十四代興元王契也湯都有二說一在今河南
偃師漢書地理志云河南郡偃師戶鄉殷湯所都史記
正義引括地志云亳邑故城在洛州偃師縣西十四里
本帝嚳之墟商湯之都也一在今山東曹縣詩元鳥疏
引漢書音義曰臣瓚案湯居亳今濟陰薄縣是也今薄
有湯冢已氏有伊尹冢皆相近疏又引皇甫謐以穀熟
為南亳即湯都也蒙為北亳即景亳是湯所受命也偃
師為西亳即盤庚所徙者也與班氏及鄭說不合謚言
不足為據也

王曰

疏

此將伐桀而稱王者殷本紀載此誓下云於是

是湯改號在伐桀之前格爾眾庶悉聽朕言**注**史遷格

作來爾作女

疏

史記殷本紀載此文云湯曰格女衆庶

者蓋以訓格爾也格來釋

言文悉者釋詰云盡也

非台小子敢行稱亂

非作匪稱作舉馬融曰台我也

疏

台者釋詰云我也稱

文再再舉也稱與再偁聲相近故史公以稱

為舉馬氏以台為我也馬注見史記集解

有夏多罪

天命殛之

注

史遷有夏多罪下作子維聞女衆言夏氏

有罪予畏上帝不敢不正今夏多罪天命殛之

疏

經文

獨女衆言已下四句在舍我稽事而割政夏之後今夏

多罪一句經文所無史公次在此與經文異者或古文

如是殛者釋

言云誅也

今爾有衆汝曰我后不恤我衆舍我稽事

而割正夏

注

史遷爾作女后作君稽作高正作政

字**疏** 后者釋詁云君也我后謂桀也恤者釋詁云憂也舍者釋詁云廢舍也積者詩傳云歛之曰積割者

廣雅釋言云害割也正與政通言舍我稽事而為害民

之政者桀時重斂民無蓋藏也下文言率割夏邑史記

割作奪多方言桀則割夏邑是言其害政也史公后為

君用釋詁文稽為齋說文齋愛濫也田夫謂之齋夫古

文作齋方言云齋積也儀禮特牲饋食禮主人寫齋于

房注云齋者農力之成功政言政令無夏字者段氏玉

裁云偽傳云正政也言奪民農功而為割剝之政疏云

為割剝之政于夏邑增此三字以暢經意耳今文古文

皆無夏字後人**子惟聞汝眾言夏氏有罪子畏上帝不**

據疏妄增之**敢不正** 史遷惟作維自子維至不正在今夏多罪天

命殛之之前**疏** 云夏氏者周語稱禹有平水之功皇天

嘉之胙以天下賜姓曰姒氏曰有夏則

夏雖為有天下之號實即氏也言女眾俱言夏氏有罪

天聽自我民聽子畏天不敢不正夏之罪上帝天也段

氏王裁云天命厥之今女有眾女曰我君不恤我眾舍
 我齋事而割政共廿二字子惟聞女眾言夏氏有罪子
 畏上帝不敢不正今夏多罪共廿二字適與尚書先後
 倒易以漢書攷之尚書每簡或廿二字或廿五字此則
 伏生壁藏之簡甲乙互異之故也劉歆移書太常博士
 曰得此逸禮逸書已考學官所傳經或脫簡傳或間編
 湯誓正間今汝其曰夏罪其如台注史遷夏罪作有罪
 編之一證

如台作柰何疏史公夏罪為有罪者今文異字如台為
 柰何者薛綜注東京賦云如柰也台何

音之轉一切經音義八引蒼頡篇云奚何也台聲近奚
 故為何班固典引云作者七十有四人今其如台獨闕

也謂如何而不封禪夏王率遏眾力率割夏邑有眾率
 偽傳以台為我夫之

怠弗協注史遷遏作止割作奪協作和馬融曰遏止也

眾民相率怠惰不和同疏此三率字借為聿聿者文選
 江賦注引薛君韓詩章句云

辭也聿蓋吹假借字馬氏以率怠之率為相率亦失之
夏邑者白虎通京師篇云或曰夏曰夏邑殷曰商邑周
曰京師尚書曰率割夏邑謂桀也怠者釋言云懈怠也
民不得收斂則怠於耕作弗協者言多怨言史公過為
止者釋詁文止眾力即上文舍穡事也割為奪者今文
異字言奪其收斂協為和者釋詁文說文協眾之同和
也馬注見史記集解曰時日曷喪子及汝皆亡注史遷時作是曷

喪作何時喪及作與鄭康成曰桀見民欲叛乃自比于
日曰是日何嘗喪乎日亡我與汝亦皆喪亡引不亡之

徵以脅恐下民也疏史公時為是者釋言文曷為何者

書疏云桀自比于日云云者尚書大傳云伊尹入告于
桀曰大命之亡有日矣桀曰天之有日猶吾之有民也
日有亡哉日亡吾亦亡矣鄭注云自比于天言常在也
比于日言去復來也又見新序刺奢篇及韓詩外傳今

本大傳晚日有亡哉一句据史記集解增之孟子梁惠
王篇引湯誓曷爲害說之云民欲與之偕亡注云時是
也日乙卯日也害大也言桀爲無道百姓皆欲與湯共
伐之湯臨士衆誓言是日桀當大喪亡我與汝俱往亡
之與鄭說異者鄭用大傳今文說孟子蓋古文說也
夏德若茲今朕必往爾尙輔

子一人致天之罰注史遷輔作及疏茲者釋詁云此也

又云彌輔也子一人者白虎通號篇云尙書曰或稱一
人王者自謂一人者謙也欲言已材能當一人耳論語
曰百姓有過在子一人史公輔子其大賚汝史遷賚

作理鄭康成曰賚賜也疏史公賚爲理者理與釐通玉

下土方馬注云釐賜也理也鄭注爾無不信朕不食言

見史記集解云賚賜者釋詁文爾不從誓言子則孥

注史遷作女母不信

疏食者釋詁云僞也

爾不從誓言子則孥

戮汝罔有攸赦注史遷爾作女孥作帑戮作僇罔作無

鄭康成曰大罪不止其身又孥戮其子孫周禮云其奴

男子入于罪隸女子入于春槩注孥俗字當從史記作

辱也鄭司農說周禮司厲甚是見甘誓疏漢書季布樂

布傳贊云奴僇苟活謂奴隸僇辱之也說文云男有臯

曰奴奴曰童也女曰妾古無從坐之法漢法因暴秦之

舊未能盡除鄭用漢法說經失之罔有攸赦者軍法無

赦令非常法也常刑則有赦史記秦始皇本紀二十六

年於是急法久者不赦是不赦者亦秦法也史公孥為

帑者說文無孥字有帑云金幣所藏左傳秦人歸其帑

詩樂爾妻帑皆作帑戮為僇者僇假借字表記云則刑

戮之民也釋文亦作僇罔為無者釋言文鄭注見書疏

云大罪不止其身又孥戮其子孫者蓋謂叛軍之法故

云大罪然古之用刑父子兄弟罪不相及史記商君傳

孝公以衛鞅為左庶長卒定變法之令令民為什伍而

相收司連坐事末利及怠而貧者舉以爲收拏索隱云
收錄其妻子沒爲官奴婢蓋其法特又重於古制也然
則鄭云奴戮其子孫又注周禮司厲以爲奴從坐而沒
入縣官者皆暴秦商君之法至漢除之未盡不足爲經
也証

湯誓第五終

盤庚第六

商書二

尚書今古文注疏卷六

賜進士及第授通奉大夫山東督糧道加三級孫星衍撰

注

史遷說帝盤庚崩弟小辛立是爲帝小辛帝小辛立

殷復衰百姓思盤庚迺作盤庚三篇馬融曰盤庚祖乙

曾孫祖丁之子不言盤庚誥何非但錄其誥也取其徙

而立功故以盤庚名篇鄭康成曰盤庚湯十世孫祖乙

之曾孫以五遷繼湯篇次祖乙故繼之于上累之祖乙

爲湯元孫七世也又加祖乙復其祖父通盤庚故十世

祖乙居耿後奢侈踰禮土地迫近山川嘗圯焉至陽甲

立盤庚爲之臣乃謀徙居湯舊都上篇是盤庚爲臣時

事下篇盤庚爲君時事

說盤庚爲第六者百篇之書湯誓後皆爲亡篇惟盤庚在伏

生二十九篇中堯典疏云鄭元則於伏生二十九篇之內分出盤庚三篇則知今文盤庚爲一篇也今仍爲一篇史公說見殷本紀云此盤庚三篇是小辛時百姓所作者言小辛時民思盤庚追紀盤庚遷居申戒羣臣之事此孔安國故與馬鄭異也魏志董卓傳注引華嶠漢書曰司徒楊彪曰昔盤庚五遷殷民胥怨故作三篇以曉天下之民而海內安穩則謂盤庚自作也馬注見釋文云不言盤庚誥何者春秋左氏哀十一年傳引此篇云盤庚之誥經不言誥直以盤庚名篇者書疏云桓六年左傳云周人以諱事神殷時質未諱君名故以王名名篇也上仲丁祖乙亦是王名馬以爲取其徒而立功是也鄭注俱見書疏云盤庚爲湯十世孫者考殷本紀湯太子太丁未立而卒太丁弟外丙外丙弟仲壬太丁子太甲太甲子沃丁沃丁弟太庚太庚子小甲小甲弟

雍己雍己弟太戊太戊子仲丁仲丁弟外壬外壬弟河
直甲河直甲子祖乙祖乙子祖辛祖辛弟沃甲沃甲兄
子祖丁沃甲子南庚祖丁子陽甲陽甲弟盤庚相繼立
者凡十八世不數兄弟相及之外丙中王太庚雍己小
甲太戊外壬河直甲沃甲南庚則盤庚上數湯爲十世
孫也云篇次祖乙者書序之次盤庚在祖乙後祖乙爲
湯七世孫亦不數兄弟相及盤庚則祖乙曾孫也故云
復其祖父者爲其祖之父也祖乙居耿者殷本紀云祖
乙遷于邢索隱曰邢音耿近代本亦作耿今河東皮氏
有耿鄉正義曰括地志云絳州龍門縣東南十二里耿
城故耿國也案漢書地理志河東皮氏耿鄉故耿國在
今山西河津縣云祖乙居耿後奢侈踰禮云云者後漢
書文苑傳杜篤奏論都賦曰盤庚去奢行儉于亳書疏
引汲冢古文云盤庚自奄遷于殷者蓋祖乙圮於耿遷
於奄盤庚自奄遷於亳殷與鄭說不合汲冢書未可據
也云徙湯舊都者殷本紀云帝盤庚之時殷已都河北
盤庚渡河南復居成湯之故居案卽偃師也云上篇是
盤庚爲臣時事者篇中有云我王來又云盤庚敷于民

又云王若曰是為臣時所稱也

盤庚遷于般

淮盤一作般

盤

盤熹平石經作般漢書楊雄傳般庚所遷亦作般遷

者廣雅釋詁云徙也言將徙於般

民不適有居

疏

適者一切經音義引三蒼云悅也言民不

悅新

率籲眾感出矢言

疏

感一作戚

疏

率者借為聿辭也本字作歆說

文云詮詞也籲者說文云呼也引此經感作戚益謂貴戚近臣矢者釋詁云陳也言呼眾近臣聽其陳言又矢

言或是正言廣雅釋詁云矢正也史記殷本紀云盤庚乃告諭諸侯大臣曰鄭注周禮云盤庚將遷于般誥其

世臣卿大夫道其先祖之善曰我王來既爰宅于茲重功是知眾戚為貴戚近臣也

我民無盡劉不能胥匡以生卜稽曰其如台

疏

我王謂祖乙爰

者釋詁云於也宅于茲謂居于耿重我民者言以重違民情劉者釋詁云殺也言我民若為水所害是我殺之

所謂思天下有辨由已溺之母令其盡厄于水也胥者釋詁云相也匡者杜氏注左傳匡救其災云匡亦救也稽者廣雅釋言云考也考卜先王有服恪謹天命茲猶者周禮太卜國大遷則貞龜

不常寧不常厥邑于今五邦注馬融曰五邦謂商上亳

囂相耿也鄭康成曰湯自商徙亳數商亳囂相耿為五

疏釋詁云服事也恪敬也寧安也邑邦者說文皆云國也言先王有事敬謹順天此猶不敢常安其邑往來

遷居凡有五國殷本紀云湯始居亳從先王居正義引括地志云亳邑故城在洛州偃師縣西十四里本帝嚳

之墟商湯之都也又云帝仲丁遷于囂索隱云囂亦作囂並音敖字正義曰括地志云滎陽故城在鄭州滎澤

縣西南十七里殷時敖地也書疏引李暉云魯在陳留

浚儀縣則在今開封府西北殷本紀又云河直甲居相正義曰括地志云故殷城在相州內黃縣東南十三里即河直甲所築都之故名殷城也又云祖乙遷于邢正

義曰括地志云絳州龍門縣東南十二里耿城故城也
也意在今河南偃師縣隸在今河南滎陽縣相在今河
南內黃縣耿在今山西河津縣并湯前所都商丘今
河南商丘縣共為五邦也馬注見釋文鄭注見書疏
不承于古因知天之斷命疏承者詩傳云繼也天之斷

其命于新邑當繼

古人遷都之事

矧曰其克從先王之烈

疏

矧俗字當為殊釋言

云矧况也克能也釋詁云烈業也

若顛木之有由藥

注

馬融曰顛木而

肆生曰枿天其永我命于茲新邑紹復先王之大業

綏四方

疏

顛者廣雅釋言云倒也由說文作𣎵云木生條也引此經作𣎵枿云古文言由枿藥說文

作𣎵云伐木餘也引此經或作藥云古文作不梓亦古文釋詁云永長也紹繼也底待也綏安也言我遷于殷如介木之更生枝條是天將引長我命于此邑繼復先王之大業待安四方馬注見釋文云肆生者詩經云肆

餘也斬而復生日肆桀者釋詁云餘也方言
般庚數于

民由乃在位以常舊服正法度注史遷說為告諭諸侯

大臣又說為法則可修曰毋或敢伏小人之攸箴注馬

融曰箴諫也鄭康成曰奢侈之俗小民咸苦之欲言于

王今將屬民而詢焉故敕以無伏之王命眾悉至于廷

疏教者說文云覺悟也在位謂有位諸臣由在位以曉諭眾民周禮小司寇掌外朝之政以致萬民而詢焉

是也以者說文云用也舊服謂故事法度法則也說文云度法制也正謂修正之史公說見般本紀云般庚乃

告諭諸侯大臣曰昔高后成湯與爾之先祖俱定天下法則可修即約此文伏者廣雅釋詁云藏也悉者釋詁

云盡也廷者朝中也命眾至于廷則民箴無敢伏矣馬注見釋文云箴諫者周語召公諫厲王云師箴百工諫

庶人傳語注云箴刺王闕鄭注見書疏云屬民而詢者

周禮郊大夫職云國大詢于眾庶則各帥其鄉之眾寡

而致之朝小司寇職云一曰詢國遷是遷國必詢眾庶

也故云屬民而詢也屬聚詢謀也云教以無伏之者

文云教王若曰疏史公以為小幸時百姓思盤庚所作

誠也為臣時事則此格汝眾予告汝疏格者釋言云來也

訓土謂陽甲也汝猷疏釋詁云訓道也道即導又云猷

黜乃心無傲從康疏廣雅釋詁云黜去也傲慢傷也康者釋詁云安也

乃心古我先后亦惟圖任舊人共政也圖者釋詁云謀

為句詰云使也舊人王播告之也播一作譖播者廣雅釋

人于其位者文作譖云敷也商書曰修不匿厥指

王播告之則當斷句解云遠也匿者

修者王逸注楚

解云遠也匿者

修者王逸注楚

解云遠也匿者

廣雅釋詁云隱也指者釋言云示也說文有情字云意也指亦同旨言王為敷告之言行之甚遠無隱其意旨者
王用丕欽罔有逸言民用丕變
疏 欽者釋詁云敬也逸者釋言云過也

變讀如論語齊一變魯一變之變廣雅釋詁云移變敬也變即移易言王敬其令無有過言民從其令用是變化二丕
今汝聒聒
注 馬融曰聒聒拒善自用之意鄭康

成曰聒讀如聒耳之聒聒聒難告之貌
疏 聒說文作𦔻云善自用之

意也引此經重文作聒云古文从耳此聒字即聒省也善疑當作拒善說文脫一字馬注見書疏云拒善自用者孟子云苟不好善則將日詭詭予既已知之矣詭詭之聲音顏色距人于千里之外是拒善之意鄭注見書疏云讀如聒耳之聒者一切經音義廿一引蒼頡篇云聒擾亂耳孔也杜預注左傳云聒聒語也為聒語以拒人言故
起信險膚予弗知乃所訟
疏 起者高誘注呂氏春秋云興也險者云難告

廣雅釋詁云表也說文有儉云誠也險聲近儉膚者廣雅釋詁云傳也訟者說文云爭也言羣臣謹言拒善而與信邪險膚傳之語或膚浮也卽下浮言我不知其所爭辨何事 非予自荒茲德惟汝

舍德注史遷說舍而弗勉何以成德 **疏**荒者賈誼新書道術篇云以已

量人謂之恕反恕為荒詩箋云荒廢亂也言非我廢前人之德汝自舍其德而弗勉也史公約此文云舍而弗勉則當 **注**惕一作施 **疏**惕者爾雅郭注引

為舍德 **不惕予一人注**惕一作施 **疏**韓詩云惕惕悅也言汝不悅從我也白虎通號篇云天下之大四海之內所共者一人耳故尚書曰不施予一人卽引此文也詩

釋文六引韓詩曰施善也施蓋惕之緩讀善義亦近悅也釋言云夷悅也惕與施皆聲近夷 予若觀

火予亦拙謀作乃逸 **注**拙一作妯 **疏**觀讀當為權周禮司權注云權讀如

予若觀火之觀今燕俗名湯熱為觀則鄭以此觀火為燿火也說文云燿火光也商書曰予亦拙謀讀若巧拙

之拙類篇引說文作火不光也今本說文脫一字言我
如燼火之不用其光謂無赫赫之威也謀作乃逸逸者
高誘注呂氏春秋云安也作者釋言云為也言謀為汝
安居耳說文謀字屬上句莊氏述祖云當讀謀作乃逸

若網在綱有條而不紊若農服田力耆乃亦有秋

說文云維絃繩也詩棫樸云綱紀四方箋云以綱苦喻

為政張之為綱理之為紀疏引說文云綱綱絃也約詞

紊者說文云亂也引此經說文云農耕也反治也服與

反通耆者詩傳云斂之曰耆言汝當從我教令若網之

有綱綱舉而紀不亂若農之治田用力耆事乃有秋收

漢書成帝紀詔云書不云乎服田力耆乃亦有秋注應

邵曰農夫服田厲其 汝克黜乃心施實德于民至于婚

友丕乃敢大言汝有積德

克者釋言云能也言汝能 夫其傲慢從康之心施實

惠于眾民至于婚姻僚友乃可大言汝有積德時諸臣

之不欲遷居者方自謂有積德于民于婚友皆虛言也

乃不畏戎毒于遠邇

疏

戎者釋言云相也毒者廣雅澤

惡于遠近 惰農自安不昏作勞不服田畝越其罔有黍稷

疏

鄭康成曰昏讀為散散勉也

疏

惰者廣雅釋詁云懶也昏者釋詁云強也服者

說文云良治也服與良通畝說文云六尺為步步百為畝越者釋詁云粵於也越聲近粵釋文云越本一作粵罔者釋言云無也黍者說文云禾屬而黏者也以大暑而種故謂之黍黍之屬稌也稌也稷者說文云齋也齋或作棗漢人謂之嘉穀亦謂之粟即今俗云小米也言汝畏遷居如惰農之圖安不強力作為勞苦之事田畝不治無有收穫也鄭注見魏志注及書疏云昏讀為散者說文有散字云彊也以散為冒此借字云散勉者薛綜注西京賦云昏勉也玉篇云散勉也是散散字之正俗

女不和吉言于百姓惟汝

自生毒乃敗禍姦宄以自災于厥身乃既先惡于民乃

奉其恫汝悔身何及

注身一作命

疏

和者釋詁云諧和也吉者說文云善

也毒者說文云候毒也或作嫉是嫉為毒也敗者方言云露敗也敗亦為露姦宄者魯語里革曰竊寶者為軌用軌之財者為姦言以致敗禍發露其姦宄之行災者釋詁云我危也我同災奉者說文云承也恫者釋言云痛也言汝不以善言和諭百官惟汝自生嫉惡以致敗露姦宄之行危及其身既導民以惡乃自承其禍痛悔之無及矣熹平石經身作命

相時儉民

注

馬融曰相視也儉利小小

見事之人也儉一作憊一作散

疏

釋詁云相視也時是也儉說文云誠也儉

利於上佞人也說文又作憊云疾利口也引此經熹平石經儉作散案說文儉與憊義相近蓋古文作儉孔壁古文作憊今文作散也馬注見釋文云儉利小小見事之人者廣雅釋詁云籤利也方言云纖小也儉音與籤纖相近故馬氏猶胥顧于箴言其發有逸口矧予制乃以利及小釋之

短長之命疏

言視此利口少少見事之人尚猶相顧于

之命令而可輕發乎命者鄭注禮記云謂政令也是命即令也

汝曷弗告朕而胥動以

浮言恐沈于衆疏

曷者釋言云益也廣雅釋詁云何也沈者莊子釋文引司馬注云深也說

文抗讀若告言不正曰抗疑告言不正是沈字書說惟君制令汝不稟承而相動以虛言恐衆惑之深左傳引下文有云惡之易也恐惡衆易字形相似或古文作惡之易三字未敢定之若火之燎于原

不可嚮邇其猶可撲滅

注

嚮一作鄉

疏

春秋左氏隱六年傳云君子曰

長惡不悛從自及也雖欲救之其將能乎商書曰惡之易也如火之燎于原不可嚮邇其猶可撲滅注云言惡易長如火焚原野不可嚮近言不可撲滅莊十二年傳引云商書所謂惡之易也亦作鄉字案今經本無惡之易也鄉作嚮俗字當為則惟汝衆自作弗靖注馬融曰鄉燎者說文云放火也

靖安也

疏

靖者藝文類聚八十七引韓詩曰靖善也堯

作靖言是靖與善同義言故自作不善即上文所云先

惡于民也馬注見釋文云靖安者靖與靜通故廣雅釋

詁去安靜也

義與安通

非予有咎遲任有言曰

注

馬融曰遲任古

老成人鄭康成曰遲任古之賢史

疏

馬注見釋文鄭注見書疏

求舊器非求舊惟新

注

人惟求舊一無求字下求一作

救

疏

言人惟求舊者明上文言先王圖任舊人用器舊則更新喻國邑圯毀當遷新邑也人惟求舊熹平

石經作人惟舊器非救舊求作救者周禮大司徒之職

云正日景以求地中注云故書求為救杜子春云當為

求堯典旁求說文引古我先王暨乃祖乃父胥及逸勤

為旁救是求救通也

予敢動用非罰

注

敢一作不敢

疏

釋詁云暨及與也勤勞也先王謂湯殷本

紀云盤庚乃告諭諸侯大臣曰昔我高后成湯與爾之
先祖俱定天下卽約此文言相與共勞逸我不敢輒用
非罰也非罰謂罰之不當者敢世選爾勞予不掩爾善
詩文王疏引五經異義作不敢世選爾勞予不掩爾善

茲予大享于先王爾祖其從與享之禮大傳說古者諸

侯始受封則有采地百里諸侯以三十里七十里諸侯

以二十里五十里諸侯以十五里其後子孫雖有罪黜

其采地不黜使其子孫賢者守之世世以祠其始受封

之人此之謂興滅國繼絕世書曰茲予大享于先王爾

祖其從與享之此之謂也鄭康成曰大享謂烝嘗也掩

一作絕又作弁疏選者漢書注孟康云敷也勞者周禮
司勳職云事功日勞不絕其善者卽

大傳所云諸侯子孫采地不黜也。大享謂禘祭于明堂。曲禮云：大饗不問卜。注云：祭五帝於明堂，禮器云：大饗腥。注云：大饗，禘祭先王也。疏引鄭注論語云：禘祭之禮，自血腥始。禮器又云：大饗其王事，與下言諸侯之貢諸侯之賓，是大饗，即禘祭也。商頌長發：大禘之詩云：受小球。大球為下國，綴旒受小共。大共為下國，駿龐惟禘。有諸侯助祭，公羊文二年傳：何休注云：禘所以異于禘者，功臣皆祭也。案經云：大享，即禮記大饗也。云：滿祖其從與享之知為禘也。大傳說見路史國名紀四：鄭注見周禮司勳疏云：大享，謂烝嘗者。王制云：天子諸侯宗廟之祭，春曰祈，夏曰禘，秋曰嘗，冬曰烝。注云：此蓋夏殷之祭名。周則改之，春曰祠，夏曰禘，以禘為殷祭。祭統云：凡祭有四時，春祭曰祈，夏祭曰禘，秋祭曰嘗，冬祭曰烝。注云：謂夏殷時禮也。祭統又云：禘，禘陽義也。嘗，烝陰義也。禘者，陽之盛也。嘗者，陰之盛也。故曰：莫重於禘，嘗案此則大享當是禘嘗而鄭以為烝嘗者，周禮司勳云：凡有功者，銘書於王之常祭於大烝。司勳詔之注云：生則書于王旌以識其人，與其功也。死則于烝先王祭之。詔謂

告其神以祠也。般庚告于卿大夫曰：茲予大享于先王，爾祖其從與享之。是也。書疏之釋鄭注云：知烝嘗有功，臣與祭者以周禮此文嘗是烝之類，故以嘗配之。又云：秋冬之祭尚及功臣，則禘祫可知。又釋大享云：若烝嘗對禘祫，則禘祫為大，烝嘗為小。若四時自相對，則烝嘗為大，禘祫為小。是鄭注雖舉烝嘗為大，享亦未嘗不兼禘祫也。爾雅禘為大祭，凡祭之大於餘祭者皆得為禘。故冬至祭昊天上帝于圓丘，夏至祭感生帝于南郊，及宗廟五年一祭，皆為禘。左傳云：烝嘗禘于廟，是烝嘗亦得名禘也。掩詩文王疏引五經異義用此文作絕釋文云：掩又作福，作災，予亦不敢動用非德。疏言汝之福災作矣。亦不敢動用非罰。此言不敢動用非德者，祭統云：古者於禘也，發爵賜服，順陽義也。於嘗也，出田邑發杖政，順陰義也。非德謂發爵賜服之不當者。予告汝于難若射之有志。注鄭康成曰：我告汝于我心，至難矣。夫射者張弓屬矢而志在所

射必中然後發之為政之道亦如是也以已心度之可

施于彼然後出之

疏

志字古作識論語子張篇賢者識其大者不賢者識其小者熹平石

經作志是古文識今文作志也鄭注周禮保章氏云志

古文識疑說文為識重文今脫之志者儀禮既夕記云

志矢一乘注云志猶擬也書云若射之有志是志者擬

也廣雅釋詁云志識也春秋左氏定八年傳云顏息射

人中眉退曰吾志其目也言為政之難不可輕發鄭注

見書疏云張弓屬矢者屬緩讀則為注杜注左傳云注

也傳矢汝無老侮成人無弱孤有幼**注**鄭康成曰老弱皆

輕忽之意也老一作翕弱一作流**疏**侮者廣雅釋詁云

正義本作侮老據唐開成石經更正鄭注見書疏以老

弱為輕忽之意者漢書趙充國傳云上老之臧氏鏞曰

左傳宋華閱卒華臣弱臯比之室杜注云弱侵易之

老弱為輕侮之詞熹平石經老作翕今文也翕侮猶言

老弱為輕侮之詞熹平石經老作翕今文也翕侮猶言

狎侮假音字石經又以流為弱
鄭注鄉飲酒義云流猶失禮也
各長于厥居勉出乃力

聽予一人之作猷
疏釋詁云育長也猷謀也作者釋言
云為也各自愛養其身勉出其力

從予之謀段氏玉裁云猷已也
以作猷為作止謂或作或輟也
無有遠邇用罪伐厥死

用德章厥善
疏伐者廣雅釋詁云擊也章同彰廣雅釋
詁云明也言遠則諸侯近則臣工一體

伐死章善
無偏諂 邦之臧惟汝眾邦之不臧惟予一人有佚罰

疏臧者釋詁云善也佚同逸釋言云過也周語內史過
云在般庚曰國之臧則惟汝眾國之不臧則惟予一

人有逸罰注云臧善也國俗之善則惟汝眾歸功于下
也逸過也罰猶罪也國俗之不善則惟予一人是我有

過也言其罪當在我也經文國為邦者後人疑國
為漢人避諱字改之實富為國佚經作逸義通 凡爾

眾其惟致告自今至于後日各恭爾事齊乃位度乃口

罰及爾身弗可悔**注**恭一作共乃口一作爾口度一作

渡**疏**恭與共通釋詁云共具也齊者廣雅釋言云整也

度說文作敝云閉也此省文熹平石經恭作共乃

口作爾口度釋文云字亦作渡言自今至于異日各供

具爾事齊一其位杜塞其口不然者罰及其身悔之已

遲也此為上篇段氏王裁云熹平石經中篇建乃家之

下下篇盤庚遷之上空一字則上篇中篇交接處石本

亦必空一字 **盤庚作惟涉河以民遷****注**鄭康成曰作

今用其例 **渡河之具****疏**涉者廣雅釋詁云渡也取在河北殷在河

云惟涉河則上云 **乃話民之弗率誕告用直****注**馬融作

作必渡河之具 **單曰話告也言也單誠也其有衆咸造****注**馬融曰造為

也**疏**話者說文云合會善言也率者釋詁云循也誕大

也直誠也言會合民之不循教遷居者而善言告

之以誠其有衆咸爲渡河之具也馬注俱見釋文話告者詩抑云告之話言釋詁云話言也造爲也馬云造爲也當卽鄭注所言作渡河之具詩文王云造舟爲梁箋云天子造舟周制也殷時未有等制釋承李巡曰比其舟而渡曰造說文云古文造从舟字作船勿褻在王廷盤庚乃登進厥民疏褻者韋昭注楚語云近也言未近在王廷登者釋詁云升也言升進民于中廷而詢之也鄭云作渡河之具則以此登舟曰明聽朕言無荒失朕命疏荒者詩傳云虛也爲登舟疏失江氏聲讀爲佚說文云佚鳴呼古我先后罔不惟民之承保后胥感解一曰忽也

注

感一作高以不浮于天時

疏

承者文選注廿五引薛章句曰受也保者說文

云任保也蓋言任使下文承汝俾汝俾使也洛誥云承保乃文祖受命民是承保讀當絕句承保猶易言容保民也后胥感者說文云憾憂也謂后亦與民共憂患鮮者釋詁云卑也浮當讀爲孚言君民親附卑有不孚于

天時者孟子云天時地利不如人和熹平石經感作高
江氏聲云胥高謂相度高山解者詩云度其鮮原下篇
所謂適于山也鮮字屬上讀如江氏說以殷降大虐
不浮于天時浮者高誘注淮子云猶罰也

鄭康成曰殷者將遷于殷先正其號名先王不懷厥攸

作視民利用遷汝曷弗念我古后之聞疏云殷降大虐者謂先王時

天降大災也時未遷殷而稱殷者如鄭說先正其號名
先王不懷厥攸作者言先王不安其所始居之地視利
于民則遷之懷者釋詁云安也作者詩傳云始也言汝
何不念我古后之舊聞乎鄭注見書疏云先示其號名
者述降虐之時尚未遷殷而承汝俾汝惟喜康共非汝
即以此為號名是先正之也

有咎比于罰予若籲懷茲新邑亦惟汝故以丕從厥志

疏承俾即上交承保也承汝即受汝俾汝者釋詁云使
也喜樂康安共具並釋詁文若順懷來並釋言文丕

詞也言我之遷徙者受汝使汝惟喜安居以供爾事非因汝有過比于放流之罰也予順呼汝來此新邑亦惟承保汝之故汝當從其志勿違之今予將試以汝遷安定厥邦汝不憂

朕心之攸困注汝遷一作爾遷邦一作國汝不作今汝

不乃咸大不宣乃心欽念以忱動予一人疏試者說文云用也咸

者釋詁云皆也宣讀為和王氏引之云周禮太宰之職正月之吉始和布令于邦國都鄙即小司寇職正歲帥其屬而觀刑象乃宣布于四方也檀弓曹桓公卒於會鄭注云曹伯盧諡宣言桓聲之誤也是宣聲近桓禹貢和夷底績鄭注讀和為桓則宣乃心謂和乃心也欽者釋詁云敬也忱者詩傳云信也言我用遷居汝者將令安定于新邑汝大不和衷爾惟自鞠自苦若乘舟汝弗敬思以誠信感動我也

濟臭厥載

疏

鞠同鞠釋言云窮也即說文窮字省濟者釋言云渡也臭讀當為爽說文云腐气也

又云所腐也或作朽廣雅釋器云所臭也言爾徒自窮苦譬如登舟不渡坐待其朽敗爾忱不屬

惟胥以沈沈馬融曰屬獨也不其或稽自怒曷瘳汝不

謀長以思乃災汝誕勸憂沈稽一作迪怒一作怨誕一

作永疏屬者鄭注士昏禮云注也沈者廣雅釋詁云沒也稽者說文云留止也瘳者說文云疾病愈也

誕者釋詁云大也勸者廣雅釋詁云助也言乘舟弗濟汝誠不專注之故既朽敗其載當相與有沉溺之患其

或留止不進自恚怒何能愈乎汝無遠謀以思災患大足助憂耳江氏聲說以左傳兆憂杜注云開憂兆熹平

石經稽作迪怒作怨誕作永釋詁云迪進也言汝不宥進自怨何益徒長助我憂馬注見釋文未詳王氏鳴盛

云當云不獨也今其有今罔後汝何生在上疏罔者釋詁云無

今無後言死亾無日汝今予命汝一無起穢以自臭恐何得尚生在地上乎

人倚乃身迂乃心穢當作蕘漢書武帝紀注晉灼云穢古穢字說文有蕘無穢蕘者考

工記云敗蕘臭同穢倚同倚說文倚偏引也詩小弁云

伐木倚矣傳云伐木者倚其顛疏云倚者倚也迂者說

文云避也又云避回也言今予令汝一其心志無以敗

蕘之物以自黷喻浮言之不可鄉邇也恐人之倚引汝

身迂回汝心言牽掣誘引之使不得自由也

予迂續乃命于天予豈汝威用

奉畜汝衆注迂一作御疏釋詁云新迎也續繼也高誘

易云畜養也言天將永我命于茲新邑我為汝迎而續

之非以威脅汝遷也用助養汝衆民而已顏師古匡謬

正俗引經文迂作御云詩鵲巢云百兩御之訓解皆為

迎徐仙民並香詩案說文無迂字當為訝或為御初是

人引書作御則迂予念我先神后之勞爾先予丕克羞

是衛包所改矣

爾注丕一作不用懷爾然失于政陳于茲高后丕乃崇

降罪疾注崇一作知曰曷虐朕民

疏神后高后皆謂成湯也神者配天之

稱說文天神曰神克者釋言云能也羞進懷安皆釋詁文陳者釋詁云延也聲又近塵釋詁云塵久也崇者釋詁云重也言我念先后成湯之與汝祖共勞我今不克進爾于樂土以安爾身然則是我失于政令而延久于此我高后在天之靈將重降罪疾于我曰何為而虐我民熹平石經崇作知江氏云今文為知者言高后毋乃知之汝萬民乃不生暨予一人猷同心先后丕降與汝

罪疾曰曷不暨朕幼孫有比

疏生者詩傳云財業也生

生者不生釋文引崔云常營其生為生生猷謀比備皆釋詁文也幼孫盤庚自謂陽甲為長故曰幼也言汝萬民乃不知自營其生與我同心共謀遷徙之事先后將降與汝罪疾曰何不與我幼孫為輔下篇云不肩好貨敢共生生又云無總于貨寶生生自庸敕戒君臣不可營生生之事此責萬民不生者春秋左氏文七年傳

云正德利用厚生謂之三事文六年傳云時以作事專以厚生孟子云孳孳為利小人之事王者藏富于民百姓足君孰與不足故責之以不生生下又云故有爽往哉生生謂去舊都奢侈之俗適新邑以營生

德自上其罰汝汝罔能迪

疏

言云差也或也自上言先

后在天之靈迪者馬氏注多方迪作攸攸同筮說文云長也即下文崇降弗祥石經作不永也言汝今有差忒之行先后自上其罰古我先后既勞乃祖乃父汝共作汝汝無能自久長也

我畜民汝有戕則在乃心

注

戕一作近

疏

作者釋詁云為也畜音近

好祭統云順于禮不逆于倫是之謂畜注云畜謂順于道教戕者鄭注易云傷也在者釋詁云察也言我先王既勞汝之祖父汝共為我順于道教之民有傷及汝則乃祖乃父當察知之下文云救乃死是也熹平石經戕作近云有近則在乃心者釋詁云則法也蓋言汝當近法乃祖父

我先后綏乃祖乃父

乃祖乃父乃斷棄汝不救乃死

疏

按者釋詁云安也斷者說文云絕斷絲也

斷亦為絕棄者說文云捐也言我先王遷居以安汝祖父今汝不從令汝祖父將絕棄汝不救其死何止有傷

乎茲予有亂政同位具乃貝玉

疏

釋詁云貝海介蟲也古者云貝海介蟲也古者

貨貝而寶龜周而有泉至秦廢貝行錢管子國畜篇云

玉起于禺氏金起于汝漢珠起于赤野距周七千八百

里先王為其途之遠至之難故託用于其重以珠玉為

上幣黃金為中幣刀布為下幣是貝玉古以代刀布言

有亂政之臣在位惟知共具貨幣以致民俗奢侈乃祖乃父丕乃告我高后

乃父一作先父我高后一作乃祖乃父

疏

乃父唐開成石經作先父

我高后釋文云本又作乃祖乃父段氏玉裁云當讀乃

祖乃父丕乃告絕句乃祖乃父日作丕刑于朕孫絕句

日作丕刑于朕孫

注

注

孫一作子孫

疏

唐石經孫迪高后

上有子字

不乃崇降弗祥

注

崇一作與弗祥一作丕永

疏

崇降弗祥熹平

石經作與降丕永丕不同說文云刑罰罪也祥福也迪

者釋詁云道也道猶導也崇者釋詁云重也言汝祖父

惡子孫之貪婪乃告高后以為罰于我子孫導我高后

重降殃禍于汝漢石經崇作興者馬注君諷云崇充也

詩天保箋云興盛也充盛義相近故今文云興降也不

永者不永言不長也祥以羊為聲養漾俱長也今文作

不永知弗祥也鳴呼今予告汝不易**注**鳴呼一作於戲鄭

康成曰我所以告汝者不變易言必行之**疏**鄭注見書

平石經永敬大恤無胥絕遠汝分猷念以相從各設中

于乃心

注

分一作比設一作翕

疏

恤者釋詁云憂也分者高誘注呂氏春秋

云猶異也論語集解引孔氏注云民有異心曰分言遇

大憂當長敬其上無相絕遠汝之異謀當思從順以各

設中正于汝心論令同心遷徙無疑貳也魯平石經分
作比設作翁詩傳云擇善而從曰比廣雅釋詁云飲順
也翁者釋詁云合也言汝當比順乃有不吉不迪順越
思以相從各合于中道此今文義

不恭暫遇姦宄我乃劓殄滅之無遺育無俾易種于茲

新邑

疏

吉者說文云善迪者釋詁云道也類與慎通廣
雅釋詁云狂也越者漢書集注末類云踰也恭

與龔聲相近說文云慙也暫遇王氏引之云暫讀曰漸
漸詐也遇讀偶睦智故謂之偶人不正謂之遇荀子正
論篇云上幽險則下漸詐矣呂刑曰民興胥漸大傳云
苗民用刑而民興犯漸俱謂詐也淮南原道篇云偶睦
智故曲巧偽詐是以偶為姦邪之稱也說文云齟齬不
正也遇音近竊義亦為不正姦宄者說文云宄姦也外
為盜內為宄古文作及怨劓者說文劓之或字廣雅釋
詁云劓斷也殄者釋詁云絕也育者釋詁云長也易者
魯語云譬之如疾余恐易焉醫書有陰易陽易言病相
延染俾者釋詁云使也言有不善不道願狂踰法不慮

志者及詐邪蓋究之行我則斷絕之無使滋長其類于
新邑春秋左氏哀十一年傳子胥引盤庚之誥曰其有
無越不共則剗殄無遺育無俾易種于茲邑注云顛越
不共從橫不承命者也剗剗也殄絕也育長也俾使也
易種轉生種類史記伍子胥傳引此經畧同此左傳文
多吳世家集解引服虔曰顛殄也越墜也顛越無道則
剗絕無道也 往哉生生今予將試以汝遷永建乃家
疏建者廣雅

釋詁云立也言汝往營生生于新邑今我將用以汝從
長立汝家嘉平石經建乃家下空一字段氏玉裁云此
歐陽尚書 鄭康既遷奠厥攸居乃正厥位 **注**鄭康成

舊式也 曰徙主于民故先定其里宅所處次乃正宗廟朝廷之
位 **疏**鄭注見書疏以奠為定者見禹貢疏云徙主于民

者王制云司空執度度地居民周禮地官小司徒
云經土地而井牧其田野九夫為井四井為邑云云是
也云正宗廟朝廷之位者鄭注天官辨方正位引名詁

太保乃以庶殷攻位于洛汭越五綏爰有衆注鄭康成

日甲寅位成與此解正厥位器同注鄭注見魏志武帝紀注以

曰爰于也安隱于其衆也疏緩為安爰為于皆釋詁文

隱亦為安者廣注鄭康成曰勉立

雅釋詁文也注鄭康成曰勉立

我大命使心識教令常行之無戲怠注一作女岡台民懋

一作勛疏戲者釋詁云戲謔也怠者釋言云懈怠也鄭

註見書疏以懋為勛釋詁文建為立廣雅釋

詁同命為教令者釋詁命令同為告也鄭注禮記云命

謂政令也無戲怠熹平石經為女岡台民作勛建大命

以岡代無者釋言文台者方言云失也宋魯之間曰台

懋為勛者釋訓云懋懋勉也與勛同義言汝無失民勉

立大令也今予其敷心腹腎腸歷告爾百姓于朕志注夏侯

等書說心腹腎腸為優賢揚歷疏敷同寡說文云布也

也心腹腎者白虎通情性篇云五藏者何也謂肝心肺腎脾也六腑者何謂也謂大腸小腸胃膀胱三焦膽也然則心腎屬藏腸屬腑釋名云腹複也富也腸胃之屬以自裏盛復於外複之其中多品似富者也春秋左氏宣十二年傳鄭伯云敢布腹心用此經文也夏侯等書為優賢揚歷者見書卷二疏云夏侯等書心腹腎腸曰憂腎腸疏文舛誤當為優賢揚三字文選左太沖魏都賦曰優賢著於揚歷張載注云尚書盤庚曰優賢揚歷歷試也魏志管寧傳陶丘一等薦寧曰優賢揚歷裴氏注曰今文尚書曰優賢揚歷謂揚其所歷試未知此云歷試也及謂揚其所歷試是鄭注否不敢妄載為注案心腹二字似優賢字似腎腸字似揚歷字上屬則下告百姓于朕志為句漢成陽令唐扶頌優賢颺歷國三老袁良碑優賢之寵皆用今文尚書

罔罪爾眾

爾無共怒協比讒言予一人

注 協比者詩正月云洽比其鄰傳云洽者春秋左

氏傳廿二年傳引作協比與此同義言我不罪及汝眾民汝無共相志怒合附為讒言謫我

古我先

王將多于前功適于山用降我凶德嘉績于朕邦

一作綏 **疏**先王謂湯釋詰云將大也適往也降者釋言

者釋詰云業也契父帝嚳始居亳其後屢遷而不安湯

大前人之功以為多故又往亳從先王居鄭注立政一

亳云東成臯南頓轅西降谷故云適于山也降下凶德

者依山地高水下則無河圯之患以致墊陷為凶德也

或德者說文云升也用降我凶為句下云升嘉

績于朕邦熹平石經嘉作綏釋詰云綏安也 **今我民**

用蕩析離居罔有定極爾謂朕曷震動萬民以遷 **注**爾

一作今爾謂一作惠震一作祇 **疏**蕩者說文云洪水所

詰云分也極至震動皆釋詰文言我民為水蕩泆離析

不安其居無有定至之處汝方怪朕之動民遷居言不

得已熹平石經爾作今爾謂作惠震作祇惠者釋詰惠

順也曷盡也祇敬也今文之意言汝順我盡敬動萬民

徒居避患之為得也祇震聲之轉堯典震敬肆上帝將
史記作振敬內則祇見孺子鄭注祇或作振

復我高祖之德亂越我家朕及篤敬恭承民命用永地

于新邑疏釋詁云肆今也亂治也越同粵釋詁云于也

敬也皆釋詁文承同拊謂拯也永者釋詁云長也言今

天將興復我高祖之德治于我家我汲汲敬恭以拊民

于溺以順天命用久肆予冲人非廢厥謀弔由靈各非

長其地于此新邑疏冲者後漢書冲帝紀引謚法曰幼

敢違卜用宏兹賁疏少在位曰冲弔者釋詁云至也說

文作遇解同釋詁云由從皆自也是由亦從也靈者廣

雅釋詁云善也龜曰卜宏與洪同釋詁云大也賁者廣
雅釋詁云美也言今我幼少之人非不用衆謀但謀之
來至當從其善者汝衆各不違卜用大此美績美績即
上嘉績江氏聲以靈為龜以下云嗚呼邦伯師長百執
卜知之易頤初九云舍爾靈龜

事之人尙皆隱哉予其懋簡相爾念敬我衆注隱一作

乘懋一作勛疏邦伯州伯也師連帥長屬長也王制云

十國以為連連有帥三十國以為卒卒有正二百一十

國以為州州有伯注云殷之州長曰伯虞夏及周皆曰

牧百執事謂在朝之臣金縢云二公及王乃問諸史與

百執事遷都時畿外諸侯各率其屬以衛從王故邦伯

師長與百執事之人並在而呼告之也隱者釋言云占

也郭注云隱度上言非敢違卜故此言尚皆占哉論語

云不占而已矣懋同茂釋詁云勉也簡者虞翻注易云

閱也相者說文云視也我其勉閱視汝其思敬我衆民

也熹平石經隱作乘懋作勛乘者周禮稟人乘其事鄭

司農云乘計也宰夫乘其財用之出入鄭注云乘猶計

也言當計度之亦猶云隱度朕不肩好貨敢共生生疏

也懋作勛者釋詁云勉也釋詁云肩作也共具也言我不作好貨之事敢具生生

生息也周禮泉府云凡民之貨者與其有司辨而受之以國服爲之息注鄭司農云貸者謂從官借本買也故有息使民弗利元謂以國服爲之息以其於國服事之稅爲息也於國事受園廛之田而貸萬泉者則期出息

五鞠人謀人之保居敘欽

注鄭康成曰鞠養也言能謀

養人安其居者我則次敘而敬之

疏鹽鐵論本義篇云保居也萃者聚也保居謂相保守鄭注見書疏以鞠爲養保爲安皆詩傳文也敘爲次序者說文云敘次第也

欽爲敬今我既羞告爾于朕志若否罔有弗欽

疏若者釋詰文云順也言我既告汝以意于汝無總于貨寶生生自庸

心順否我無不敬而告之也
疏總者說文云聚束也庸者廣雅釋詁云用也戒諸臣無聚于貨寶生殖以自用者上自言不作好貨下戒其臣以生生爲萬民式敷明德永肩一心

疏式者釋詁云用也敷

者說文云岐也肩者釋詁云克也滅之
以用施明德長能一心不貳其志也

盤庚第六終